

o uvjetima, načinu i kriterijima za utvrđivanje prava na besplatnu i povlaštenu vožnju („Službene novine Bosansko-podrinjskog kantona Goražde“, broj: 4/20 i 9/21).

- (2) Sve radnje i postupci započeti prije stupanja na snagu ovog Pravilnika koji nisu okončani, okončat će se po odredbama Pravilnika iz stava (1) ovog člana.

Član 22.
(Stupanje na snagu Pravilnika)

Ovaj Pravilnik stupa na snagu danom dobijanja saglasnosti od Vlade Bosansko-podrinjskog kantona Goražde, a naknadno će se objaviti u „Službenim novinama Bosansko-podrinjskog kantona Goražde“.

Broj: 11-11-560-5/24 M I N I S T A R
14. 5. 2024. godine Avdo Mirvić, s.r.
G o r a ž d e

Na ovaj Pravilnik Vlada Bosansko-podrinjskog kantona Goražde dala je saglasnost svojom Odlukom broj: 03-11-1066/24 od 10. 5. 2024. godine.

.....
549

Na osnovu članova 23. i 24. stav (2) Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15) i člana 60. stav (4) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24 i 3/24-Ispravka), Vlada Bosansko-podrinjskog kantona Goražde na 76. redovnoj sjednici, održanoj dana 10. 5. 2024. godine, **d o n o s i**:

O D L U K U
o davanju saglasnosti na Pravilnik za ostvarivanje prava na participaciju troškova dženaze/sahrane branilaca i članova njihovih porodica

Član 1.

Ovom Odlukom daje se saglasnost na Pravilnik za ostvarivanje prava na participaciju troškova dženaze/sahrane branilaca i članova njihovih porodica.

Član 2.

Ova Odluka stupa na snagu danom objavljivanja na službenoj oglasnoj tabli Kantona, a naknadno će se objaviti u „Službenim novinama Bosansko-podrinjskog kantona Goražde“.

Broj: 03-11-1065/24 P R E M I J E R
10. 5. 2024. godine Edin Čulov, s.r.
G o r a ž d e

.....
550

Na osnovu članova 56. i 66. stavovi (1) i (2) Zakona o organizaciji organa uprave u Federaciji BiH („Službene novine Federacije BiH“, broj: 35/05), člana 4. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 70/06, 9/10 i 90/17), člana 17. Zakona o pravima demobilisanih branilaca i članova njihovih porodica („Službene novine Federacije BiH“, broj: 54/19 i 29/22) i člana 60. stav (4) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24, 3/24-Ispravka i 4/24), ministar

za boračka pitanja Bosansko-podrinjskog kantona Goražde, uz saglasnost Vlade Bosansko-podrinjskog kantona Goražde, **d o n o s i**:

**P R A V I L N I K
ZA OSTVARIVANJE PRAVA
NA PARTICIPACIJU TROŠKOVA
DŽENAZE/SAHRANE BRANILACA I
ČLANOVA NJIHOVIH PORODICA**

POGLAVLJE I - OPĆE ODREDBE

**Član 1.
(Predmet Pravilnika)**

Ovim Pravilnikom definišu se korisnici prava, uređuje način i uvjeti za ostvarivanja prava, podnošenje zahtjeva, objava javnog poziva, obavezna dokumentacija, postupak za ostvarivanje prava, određuje visina sredstava, finansiranje i način realizacije prava, kao i druga pitanja od značaja ostvarivanje prava na participaciju troškova dženaze/sahrane u slučaju smrti lica kojima je, u skladu sa važećim federalnim propisima iz oblasti boračko-invalidske zaštite, rješenjem nadležnog organa priznato pravo na ličnu, porodičnu invalidninu ili mjesečni novčani dodatak dobitnika ratnog priznanja ili odlikovanja (u daljem tekstu: participacija troškova dženaze/sahrane).

**Član 2.
(Korisnici prava)**

(1) Pravo na participaciju troškova dženaze/sahrane lica iz člana 1. ovog Pravilnika, imaju članovi uže porodice umrlog lica ili, pod uvjetom da umrli nema živih članova uže porodice, drugo lice koje je snosilo troškove dženaze/sahrane.

- (2) Članovima uže porodice lica iz člana 1. ovog Pravilnika smatraju se: bračni ili vanbračni partner, roditelji, djeca rođena u braku ili van braka, usvojenici i pastorčad koji žive u zajedničkom domaćinstvu sa podnosiocem zahtjeva.
- (3) Vanbračnim partnerom iz stava (2) ovog člana, smatra se lice koje je kao takvo definisano Porodičnim zakonom Federacije Bosne i Hercegovine („Službene novine Federacije BiH“, broj: 35/05, 41/05 – ispravak, 31/14 i 32/19 – odluka US), a koje je svoj status utvrdilo u odgovarajućem sudskom postupku.

**Član 3.
(Rodna ravnopravnost)**

Izrazi koji su radi preglednosti dati u jednom gramatičkom rodu u Pravilniku bez diskriminacije se odnose na muški i ženski spol.

POGLAVLJE II - NAČIN I UVJETI ZA OSTVARIVANJE PRAVA

**Član 4.
(Objava javnog poziva)**

Ministarstvo za boračka pitanja Bosansko-podrinjskog kantona Goražde (u daljem tekstu: Ministarstvo) za svaku godinu nakon usvajanja Budžeta Bosansko-podrinjskog kantona Goražde (u daljem tekstu: Kanton), objavljuje javni poziv za ostvarivanje prava na participaciju troškova dženaze/sahrane branilaca i članova njihovih porodica.

**Član 5.
(Način podnošenja zahtjeva)**

(1) Zahtjev za ostvarivanje prava na pa-

rticipaciju troškova dženaze/sahrane, lica iz člana 2. ovog Pravilnika (u daljem tekstu: podnosioci zahtjeva) podnose gradskoj/općinskim službama nadležnim za boračko-invalidsku zaštitu sa prostora Kantona (u daljem tekstu: prvostepeni organ).

- (2) Lica iz člana 1. stav (2) Zakona zahtjev za ostvarivanje prava na participaciju troškova dženaze/sahrane podnose najbližem prvostepenom organu sa prostora Kantona.
- (3) Zahtjev za ostvarivanje prava na participaciju troškova dženaze/sahrane podnosi se najkasnije u roku jedne godine u odnosu na datum smrti lica iz člana 1. ovog Pravilnika.
- (4) Podneseni zahtjev za ostvarivanje prava iz stava (1) ovog člana važi za budžetsku godinu u kojoj je podnjet.
- (5) Ministarstvo zadržava pravo da može obustaviti zaprimanje zahtjeva za ostvarivanje prava na participaciju troškova dženaze/sahrane ako je zaprimljen veći broj zahtjeva u odnosu na raspoloživa budžetska sredstva za ovu namjenu.

Član 6.

(Opći uvjeti za ostvarivanje prava prava na pomoć u slučaju smrti)

Opći uvjeti za ostvarivanje prava na participaciju troškova dženaze/sahrane jesu:

- a) da je umrloj osobi od strane nadležnog organa priznato svojstvo lica iz člana 1. Zakona;
- b) da je umrla osoba imala prijavljeno prebivalište, odnosno bora-

vište na području Kantona ili općinama u Republici Srpskoj definisanim u članu 1. stav (2) Zakona.

Član 7.

(Posebni uvjeti za ostvarivanje prava prava na pomoć u slučaju smrti)

Posebni uvjeti za ostvarivanje prava na participaciju troškova dženaze/sahrane jesu:

- a) da podnosilac zahtjeva ne može ostvariti pravo na participaciju troškova dženaze/sahrane lica iz člana 1. ovog Pravilnika po federalnim propisima ili drugom osnovu (po osnovu boračkog ili socijalnog statusa, radnog odnosa, penzije i dr.) ili
- b) da je po drugom osnovu podnosilac zahtjeva ostvario pravo na participaciju troškova dženaze/sahrane lica iz člana 1. ovog Pravilnika u visini sredstava manjoj od one utvrđene članom 9. stav (1) ovog Pravilnika.

Član 8.

(Obavezna dokumentacija)

(1) Obavezna dokumentacija koju dostavlja podnosilac zahtjeva za ostvarivanje prava na participaciju troškova dženaze/sahrane jeste:

- a) smrtni list lica za koje se traži pomoć u slučaju smrti;
- b) dokaz o posljednjem prebivalištu lica za koje se traži participacija troškova dženaze/sahrane (CIPS);
- c) za umrlo lice: rješenje nadležnog organa o priznatom statusu člana porodice šehida-poginulog bra-

- nioca, vojnog invalida, dodjeli ratnog priznanja ili uvjerenje (obrazac FMB-3A) nadležene grupe/samostalnog izvršioca za pitanja evidencija iz vojne obaveze da je umrli demobilisani branilac bio pripadnik Armije ili MUP-a RBiH najmanje 12 mjeseci;
- d) dokaz da je podnosilac zahtjeva član uže porodice umrlog lica (rodni ili vjenčani list);
- e) dokaz o plaćenim troškovima dženaze/sahrane od strane podnosioca zahtjeva;
- f) za drugo lice koje je snosilo troškove dženaze/sahrane: ovjerena izjava podnosioca zahtjeva, kojom pod punom moralnom, materijalnom i krivičnom odgovornošću izjavljuje da umrlo lice nema živih članova uže porodice;
- g) za ZAPOSLENE podnosioc zahtjeva: potvrda poslodavca da ne može ostvariti prava na participaciju troškova dženaze/sahrane lica za koje se traži pomoć predmetnim zahtjevom ili potvrda o visini sredstava koja se odobrava po tom osnovu;
- h) za NEZAPOSLENE podnosioc zahtjeva: dokaz da su na evidenciji nezaposlenih lica nadležne službe za zapošljavanje ili, ukoliko se ne vodi na evidenciji službe za zapošljavanje, uvjerenje ispostave porezne uprave kao dokaz o statusu nezaposlenosti ili ček od penzije;
- i) u slučaju da je umrlo lice bilo korisnik penzije, dokaz izdat od nadležnog organa da podnosilac zahtjeva koji je izmirio troškove dženaze/sahrane nije ostvario naknadu u skladu sa Zakonom o penzijskom i invalidskom osiguranju Federacije BiH („Službene novine FBiH“, broj: 13/18), ili potvrdu o visini sredstava koja se odobrava po tom osnovu;
- j) potvrda banke o otvorenom računu;
- k) ostali potrebni dokazi relevantni za odlučivanje o pravu u svakom konkretnom slučaju.
- (2) Kao dokazi iz stava (1) ovog člana dostavljaju se originali ili ovjerene fotokopije dokumenata ne stariji od 30 dana, izuzev dokumentacije trajnog karaktera.
- (3) Prvostepeni organ će po službenoj dužnosti pribaviti dokumentaciju iz stava (1) ovog člana kojom se dokazuju činjenice o kojima se vodi službena evidencija.

POGLAVLJE II - POSTUPAK ZA OSTVARIVANJE PRAVA

Član 9.

(Utvrđivanje visine sredstava)

- (1) Participacija troškova dženaze/sahrane lica iz člana 1. ovog Pravilnika utvrđuje se u visini jedne prosječne neto plate isplaćene zaposlenim u Federaciji BiH u prethodnoj godini, prema posljednjim objavljenim podacima Federalnog zavoda za statistiku.
- (2) Ako su članovi uže porodice ili lice koje je snosilo troškove dženaze/sahrane ostvarili pravo na participaciju troškova dženaze/sahrane putem Fonda penzijsko - invalidskog osiguranja, radnog odnosa ili po drugom osnovu u iznosu manjem od visine

sredstava definisane stavom (1) ovog člana, imaju pravo na participaciju troškova na ime razlike između isplaćenih sredstava po drugom osnovu.

**Član 10.
(Ograničenja u korištenju prava)**

- (1) Participacija troškova dženaze/sahrane lica može se priznati samo jednom članu uže porodice, odnosno licu iz člana 2. stav (1) ovog Pravilnika.
- (2) Pravo na pomoć u slučaju smrti ne mogu ostvariti članovi porodice za lica iz člana 1. ovog Pravilnika kod kojih postoje okolnosti iz člana 36. Zakona o pravima branilaca i članova njihovih porodica („Službene novine Federacije BiH“, broj: 33/04, 56/05, 70/07, 9/10 i 90/17).

**Član 11.
(Donošenje rješenja)**

- (1) Podnosiocu zahtjeva koji ispunjava uvjete propisane Zakonom i ovim Pravilnikom, pravo na participacija troškova dženaze/sahrane, priznaje se rješenjem koje donosi prvostepni organ prema mjestu prebivališta/boravišta.
- (2) Zahtjevi koji su neuredni, nepotpuni, neblagovremeni ili ne ispunjavaju uvjete iz Zakona i ovog Pravilnika odbacuju se ili odbijaju posebnim upravnim aktom, u skladu sa odredbama Zakona o upravnom postupku („Službene novine Federacije BiH“, broj: 2/98, 48/99 i 61/22, u daljem tekstu: ZUP).

- (3) Pravosnažno prvostepeno rješenje, kojim je podnosiocu zahtjeva priznato pravo na participaciju troškova dženaze/sahrane, dostavlja se Ministarstvu radi upućivanja na realizaciju.

**Član 12.
(Izjavljivanje žalbe)**

- (1) Protiv upravnih akata iz člana 11. ovog Pravilnika može se izjaviti žalba u roku od 15 dana od dana dostavljanja upravnog akta stranci. Žalba se može izjaviti Ministarstvu putem prvostepenog organa.
- (2) Drugostepena rješenja su konačna u upravnom postupku i protiv istih nije dopuštena žalba, ali se može pokrenuti upravni spor kod nadležnog suda u roku od 30 dana od dana dostavljanja rješenja stranci.

**POGLAVLJE III - FINANSIJSKA
SREDSTVA**

**Član 13.
(Obezbjedenje i isplata sredstava)**

- (1) Finansijska sredstva za isplatu pomoći u slučaju smrti obezbjeđuju se u Budžetu Ministarstva za svaku budžetsku godinu.
- (2) Sredstva iz stava (1) ovog člana isplaćivat će se kontinuirano do visine raspoloživih budžetskih sredstava za te namjene u toku godine.
- (3) Isplatu odobrenih finansijskih sredstava iz stava (1) ovog člana vrši Ministarstva za finansije na pojedinačni račun korisnika sredstava.

**POGLAVLJE IV - PRELAZNE I
ZAVRŠNE ODREDBE**

**Član 14.
(Primjena općih propisa)**

Na sve što nije regulisano odredbama ovog Pravilnika, supsidijarno se primjenjuju odredbe ZUP-a.

**Član 15.
(Način izmjena i dopuna)**

Izmjene i dopune ovog Pravilnika se vrše na način i po postupku koji važi za njegovo donošenje.

**Član 16.
(Tumačenje odredbi)**

Tumačenje odredbi ovog Pravilnika daje ministar za boračka pitanja.

**Član 17.
(Stavljanje van snage ranijeg propisa)**

- (1) Danom stupanja na snagu ovog Pravilnika stavlja se van snage Pravilnik o uvjetima, načinu i kriterijima za ostvarivanje prava na jednokratnu novčanu pomoć za troškove dženaze/sahrane u slučaju smrti ratnog vojnog invalida, člana porodice šehida/poginulog branioca i dobitnika ratnog priznanja i odlikovanja („Službene novine Bosansko-podrinjskog kantona Goražde“, broj: 3/23).
- (2) Sve radnje i postupci započeti prije stupanja na snagu ovog Pravilnika koji nisu okončani, okončat će se po odredbama Pravilnika iz stava (1) ovog člana.

**Član 18.
(Stupanje na snagu Pravilnika)**

Ovaj Pravilnik stupa na snagu danom dobijanja saglasnosti od Vlade Bosansko-podrinjskog kantona Goražde, a naknadno će se objaviti u „Službenim novinama Bosansko-podrinjskog kantona Goražde“.

Broj: 11-11-569-5/24
14. 5. 2024. godine
G o r a ž d e

MINISTAR
Avdo Mirvić, s.r.

Na ovaj Pravilnik Vlada Bosansko-podrinjskog kantona Goražde dala je saglasnost svojom Odlukom broj: 03-11-1065/24 od 10. 5. 2024.godine.

.....
551

Na osnovu članova 23. i 24. stav (2) Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15) i člana 57. stav (2) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24 i 3/24 - Ispravka), Vlada Bosansko-podrinjskog kantona Goražde, na 76. redovnoj sjednici, održanoj dana 10. 5. 2024. godine, **d o n o s i:**

**ODLUKU
o davanju saglasnosti na Pravilnik
za ostvarivanje prava na jednokratnu
novčanu pomoć za socijalne i
druge potrebe branilaca i članova
njihovih porodica**

Član 1.

Ovom Odlukom daje se saglas-